

Аса жеңіл авиация саласында сертификаттау қағидаларын бекіту туралы

Күші жойғал

Қазақстан Республикасы Инвестициялар және даму министрінің м.а. 2015 жылғы 24 ақпандағы № 194 бұйрығы. Қазақстан Республикасының Әділет министрлігінде 2015 жылы 22 шілдеде № 11721 болып тіркелді. Күші жойылды - Қазақстан Республикасы Инвестициялар және даму министрінің 2017 жылғы 19 шілдедегі № 483 бұйрығымен

Ескерту. Күші жойылды – ҚР Инвестициялар және даму министрінің 19.07.2017 № 483 бұйрығымен (алғашқы ресми жарияланған күнінен кейін күнтізбелік жиырма бір күн өткен соң қолданысқа енгізіледі).

"Қазақстан Республикасының әуе кеңістігін пайдалану және авиация қызметі туралы" 2010 жылғы 15 шілдедегі Қазақстан Республикасы Заңының 14-бабы 1-тармағының 41-23) тармақшасына сәйкес **БҰЙЫРАМЫН:**

1. Қоса беріліп отырған Аса жеңіл авиация саласында сертификаттау қағидасын бекіту туралы қағидалары бекітілсін.

2. Қазақстан Республикасы Инвестициялар және даму министрлігінің Азаматтық авиация комитеті (Б.К. Сейдахметов):

1) осы бұйрықты заңнамамен бекітілген тәртіпте Қазақстан Республикасы Әділет министрлігінде мемлекеттік тіркелуін;

2) осы бұйрықтың Қазақстан Республикасы Әділет министрлігінде мемлекеттік тіркегеннен кейін күнтізбелік он күн ішінде "Қазақстан Республикасы Әділет министрлігінің Құқықтық ақпарат республикалық орталығы" шаруашылық жүргізу құқығындағы республикалық мемлекеттік кәсіпорына "Әділет" ақпараттық-құқықтық жүйесіне және кезеңдік баспа шығарылымдарға ресми жариялауға көшірмелерін жіберуді;

3) осы бұйрықты Қазақстан Республикасы Инвестициялар және даму министрлігінің интернет-ресурсында және мемлекеттік органдардың интранет-порталында орналастырылуын;

4) осы бұйрықты Қазақстан Республикасының Әділет министрлігінде мемлекеттік тіркеуден өткеннен кейін он жұмыс күні ішінде Қазақстан Республикасы Инвестициялар және даму министрлігінің Заң департаментіне осы бұйрықтың 2-тармағының 1), 2) және 3) тармақшаларымен көзделген іс-шараларды орындау туралы мәліметті ұсынуды қамтамасыз етсін.

3. Осы бұйрықтың орындалуын бақылауды өзіме қалдырамын.

4. Осы бұйрық оның алғашқы ресми жарияланған күнінен кейін күнтізбелік жиырма бір күн өткен соң қолданысқа енгізіледі.

Қазақстан Республикасының

Инвестициялар және даму

министрінің

міндетін атқарушы

Ж. Қасымбек

"КЕЛІСІЛДІ"

Қазақстан Республикасы

Ұлттық экономика министрі

Е.А. Досаев _____

2015 жылғы 18 маусым

Қазақстан Республикасы
Инвестициялар және даму
Министрі міндетін атқарушысының
2015 жылғы 24 ақпандағы
№ 194 бұйрығымен
бекітілген

Аса жеңіл авиация саласында сертификаттау қағидасы

1. Осы Аса жеңіл авиация саласындағы сертификаттау қағидасы (бұдан әрі – Қағида) "Қазақстан Республикасының әуе кеңістігін пайдалану және авиация қызметі туралы" 2010 жылғы 15 шілдедегі Қазақстан Республикасының Заңы 14-бабының 1 тармағының 41-23) тармақшасына сәйкес әзірленді және аса жеңіл авиация саласындағы сертификаттау тәртібі айқындайды.

2. Осы Қағидада пайдаланылатын терминдер мен анықтамалар:

1) өтінім – өтініш берушінің сертификаттау рәсімін өту үшін азаматтық авиация саласындағы уәкілетті органға жазбаша өтініші;

2) өтініш беруші – аса жеңіл авиацияның әуе кемесінің ұшуға жарамдылығы сертификатын алу үшін азаматтық авиация саласындағы уәкілетті органға өтініш берген жеке немесе заңды тұлға;

3) ұшуға жарамдылық – әуе кемесінің қауіпсіздігі мен ұшу сапасын қамтамасыз ететін ұшу-техникалық сипаттамаларға сай келетін оның техникалық жай-күйі.

3. Аса жеңіл авиацияның әуе кемелерінің ұшуға жарамдылығын және аса жеңіл авиацияның бекітілген үлгілік конструкциясы жоқ әуе кемесінің ұшуға жарамдылығын сертификаттауды әуе кемелерін пайдаланушыларды біріктіретін коммерциялық емес ұйымдарды тарта отырып, азаматтық авиация саласындағы уәкілетті орган жүзеге асырады.

4. Аса жеңіл авиацияның әуе кемесінің техникалық жай-күйін тексеру және ұшуға жарамдылығын айқындау үшін коммерциялық емес тиісті ұйымдар азаматтық авиация саласындағы уәкілетті органмен келісім бойынша аса жеңіл авиацияның әуе кемелерін тексеру бойынша тұрақты жұмыс істейтін техникалық комиссия (бұдан әрі – техникалық комиссия) құрады.

Техникалық комиссияның құрамына білікті, әуе кемелерін пайдалануда кемінде бес жыл практикалық тәжірибесі бар техникалық сарапшылар мен ұшқыштар, сертификаттау орталықтарының, ғылыми-зерттеу, сынау және басқа да ұйымдар басшыларының келісімі бойынша осы ұйымдардың мамандары кіреді.

5. Аса жеңіл авиацияның әуе кемесінің ұшуға жарамдылығын сертификаттау үшін 2008 жылғы 10 желтоқсандағы "Салық және бюджетке төленетін басқа да міндетті төлемдер туралы" Қазақстан Республикасының Кодексінде (Салық кодексі) айқындалатын тәртіппен және мөлшерде алым алынады. Аса жеңіл авиацияның әуе кемесінің ұшуға жарамдылығын сертификаттау мемлекеттік бюджетке көрсетілген алым төленгеннен кейін жүзеге асырылады.

2. Аса жеңіл авиацияның әуе кемесінің ұшуға жарамдылығын сертификаттау тәртібі

6. Сертификаттау мынадай тәртіппен жүзеге асырылады:

1) өтініш беруші азаматтық авиация саласындағы уәкілетті органға осы Қағидаға 1-қосымшаға сәйкес нысан бойынша өтінім береді. Өтінімге мынадай құжаттар қоса беріледі:

аса жеңіл авиацияның әуе кемесі данасының сәйкестік куәлігінің немесе үлгі сертификатының көшірмесі;

аса жеңіл авиацияның әуе кемесінің ұшуға жарамдылығын сертификаттау үшін алымның төленгенін растайтын құжаттың көшірмесі;

2) пайдалану-техникалық құжаттамасын сараптау және әуе кемесінің ұшуға жарамдылығын айқындау;

3) шешім қабылдау және сертификат беру (беруден бас тарту).

Пайдалану-техникалық бағалау құжаттамасын сараптау және азаматтық әуе кемелерінің ұшуға жарамдылығының нормаларына сәйкестігі жөніндегі жұмыстарды жүргізу үшін уәкілетті орган өтінімнің көшірмесін өтінім тіркелген сәттен бес күнтізбелік күннің ішінде техникалық комиссияға береді. Өтініш беруші пайдалану құжаттамасына және аса жеңіл авиацияның әуе кемесіне техникалық комиссия мүшелерінің кедергісіз қол жеткізуін қамтамасыз етеді.

Техникалық комиссия күнтізбелік 20 күн ішінде пайдалану құжаттамасын сараптау және аса жеңіл авиацияның әуе кемесінің ұшуға жарамдылық нормаларына сәйкестігін бағалау жөніндегі жұмыстарды жүргізеді.

7. Пайдалану құжаттамасын сараптау және аса жеңіл авиацияның әуе кемесінің ұшуға жарамдылық нормаларына сәйкестігін бағалау жөнінде жүргізілген жұмыстардың нәтижесі бойынша техникалық комиссия осы Қағидаға 2-қосымшаға сәйкес нысан бойынша үш данада аса жеңіл авиацияның әуе кемелерінің пайдалануға жарамдылығы туралы акт (бұдан әрі – акт) жасайды. Актінің бір данасы уәкілетті органнан өтінімнің көшірмесі алынған күннен бастап күнтізбелік 20 күн ішінде азаматтық авиация саласындағы уәкілетті органға жіберіледі, екінші данасы өтініш берушіге беріледі, үшінші данасы әуе кемелерін пайдаланушыларды біріктіретін коммерциялық емес ұйымда қалады.

8. Техникалық комиссия берген акт ұшуға жарамдылық сертификатын беруге немесе беруден бас тартуға негіз болады.

Аса жеңіл авиациясы әуе кемесінің ұшу жарамдылығы сертификатын беру, сертификатты беруден бас тарту техникалық комиссияның актіде көрсетілген қорытындысы негізінде жүргізіледі.

9. Азаматтық авиация саласындағы уәкілетті орган актінің оң қорытындысы мен ұсынылған құжаттар негізінде өтініш берушіге осы Қағидаға 3-қосымшаға сәйкес нысан бойынша аса жеңіл авиацияның әуе кемесінің ұшуға жарамдылығы сертификатын береді.

10. Аса жеңіл авиацияның әуе кемесінің ұшуға жарамдылығы сертификатын беруден бас тартылған болса, қайтадан берілген өтінімді азаматтық авиация саласындағы уәкілетті орган оны беруден бас тартудың себептері жойылған жағдайда қарастырады.

11. Аса жеңіл авиацияның әуе кемесінің ұшуға жарамдылығын сертификаттау және сертификат беру мерзімі азаматтық авиация саласындағы уәкілетті органға өтінім берілген күннен бастап күнтізбелік отыз күннен аспайды.

12. Ұшуға жарамдылық сертификаты мерзімсіз беріледі және осы қағиданың 2-қосымшасына сәйкес әуе кемелерінің пайдалануға жарамдылығы туралы бағалау актісі растау болып табылады.

3. Ұшуға жарамдылық сертификатын тоқтата тұру және қайтарып алу

13. Аса жеңіл авиацияның әуе кемелерінің ұшуға жарамдылық нормаларына сәйкессіздіктері анықталған жағдайда, ұшуға жарамдылық сертификатының қолданылуы тоқтатыла тұрады, аса жеңіл авиацияның әуе кемелерінің ұшуға жарамдылық нормаларына сәйкессіздіктері жойылғанға дейін азаматтық авиация саласындағы уәкілетті орган аса жеңіл авиацияның әуе кемесін пайдаланылуға

тыйым салады, уәкілетті орган сәйкессіздік анықталған кезден бастап бұл туралы дереу пайдаланушыға және әуе қозғалысын басқару органына ұшуға жарамдылық сертификатының тоқтатыла тұруы туралы хабарлайды.

Тоқтата тұрған күннен бастап алты ай ішінде әуе кемесінің ұшуға жарамдылық нормаларына сәйкессіздігі жойылмаған жағдайда, ұшуға жарамдылық сертификаты қайтарып алынады. Сертификатты қайтарып алу туралы шешім қабылданған күннен бастап күнтізбелік екі күн ішінде уәкілетті орган пайдаланушыны хабардар етеді.

Аса жеңіл авиацияның әуе кемесін пайдаланушы өзі хабардар болған кезден бастап күнтізбелік он күн ішінде аса жеңіл авиацияның әуе кемесінің ұшуға жарамдылық сертификатын уәкілетті органға қайтарады.

4. Ұшуға жарамдылық сертификатының телнұсқасын беру

14. Бүлінген немесе жоғалған (ұрланған) жағдайда, өтініш беруші еркін нысанда өтініш берген күннен бастап екі жұмыс күні ішінде ұшуға жарамдылық сертификаты телнұсқа беру арқылы ауыстырылуға тиіс.

15. Ұшуға жарамдылық сертификатының телнұсқасын алу үшін пайдаланушы өтінішке сертификаттың бүліну немесе жоғалу (ұрлану) фактісінің сипаттамасын қоса беруі қажет.

Аса жеңіл авиация саласында
сертификаттау қағидасына
1-қосымша

Нысан

ӨТІНІМ

1. Тізілімге ____ ж. " ____ " ____ № ____ енгізілген аса жеңіл авиацияның әуе кемесінің ұшуға жарамдылық сертификатын беруді сұраймын:

Түрі _____

— Әуе кемесінің мақсаты _____

— 1.1. Әуе кемесінің сериялық (зауыттық) нөмірі _____

1.2. Әуе кемесі жасалған күн _____

1.3. Жасап шығарушының атауы _____

— 1.4. Жасап шығарушы мемлекет _____

— 1.5. Үлгі сертификаты (немесе балама құжат):

№ _____, берілген күні

2. Өтініш беруші туралы мәліметтер:

2.1. Мекенжайы _____

2.2. Телефоны _____ Факсы _____

2.3. Электронды поштасының мекенжайы (бар болса) _____

2.4. Жеке сәйкестендіру нөмірі (ЖСН) _____

2.5. Бизнес сәйкестендіру нөмірі (БИН) _____

2.6. Егер ӘК пайдаланушы – жеке тұлға болса:

Тегі, аты, әкесінің аты _____

2.7. Егер ӘК пайдаланушы – заңды тұлға болса:

Ұйымның толық атауы _____

Басшының тегі, аты, әкесінің аты _____

3. ӘК данасының орналасқан жері _____

4. Соңғы жөндеу жүргізілген күні мен жері _____

5. Әуе кемесінің ұшуы пайдалану басталғаннан бері: _____ сағ. _____ соңғы _____

_____ жыл соңғы жөндеуден кейін: _____ сағ. _____ соңғы _____

_____ жыл

6. Жөндеуге дейін қалған ресурс: _____ сағ. _____ соңғы _____ жыл

7. Массасы, кг _____ Орталықтандыру, % _____

8. Техникалық жай-күйін бағалау актісі бекітілген күн _____

9. Техникалық байқауды кім жүргізді _____

10. Әуе кемесін жетілдіруді, өзгертуді орындаған ұйым, орындау күні _____

11. Пайдаланушының заңды мекенжайы, телефоны, факсы _____

12. Пошталық мекенжайы: _____

М.О. _____

(лауазымы)

Аса жеңіл авиация саласында
сертификаттау қағидасына
2-қосымша

Нысан

"Бекітемін"

Азаматтық авиация саласындағы

уәкілетті органның лауазымды адамы

(қолы, Т.А.Ә.)

20__ жылғы "___" _____

Аса жеңіл авиацияның әуе кемелерінің пайдалануға жарамдылығы туралы бағалау АКТІСІ

(ұйымның атауы)

20__ жылғы "___" _____ № _____ бұйрығына сәйкес мынадай құрамдағы комиссия:

Төраға:

(Т.А.Ә. лауазымы)

Комиссия мүшелері:

(Т.А.Ә. лауазымы)

(Т.А.Ә. лауазымы)

_____ әуе кемесінің пайдалану

(ӘК түрі, тіркеу нөмірі, сериялық нөмірі)

құжаттамасын сараптауды және ұшуға жарамдылығын бағалауды жүргізді

Аса жеңіл авиацияның әуе кемесінің пайдалануға жарамдылығы туралы

бағалау актісінің мәтіні

Актінің қорытынды бөлігінде пайдалану құжаттамасының, оның

ішінде техникалық қызмет көрсету бағдарламасының (регламентінің), әуе

кемесінің азаматтық авиация саласындағы нормативтік құқықтық

актілердің талаптарына сәйкестігі (сәйкессіздігі), сондай-ақ әуе

кемесінің және оның жабдықтарының ұшудың мәлімделген түрлеріне

сәйкестігі көрсетіледі.

Төраға:

(Т.А.Ә.) (қолы)

Комиссия мүшелері: _____

(Т.А.Ә.) (қолы)

(Т.А.Ә.) (қолы)

Актімен таныстым:

Ұйымның басшысы _____

(Т.А.Ә.) (қолы)

Аса жеңіл авиация саласында
сертификаттау қағидасына
3-қосымша

Нысан

Қазақстан Республикасының Елтаңбасы

Азаматтық авиация саласындағы уәкілетті орган

Аса жеңіл авиацияның әуе кемесінің ұшуға жарамдылық сертификаты
№ _____

1. Әуе кемесінің үлгісі мен мақсаты	2. Мемлекеттік және тіркелген тану белгілері	3. Сериялық (зауыттық) нөмірі
-------------------------------------	--	-------------------------------

4. Әуе кемесі Қазақстан Республикасының Азаматтық әуе кемелерінің мемлекеттік тізіліміне ___ ж. "___" ____ № ___ енгізілген.

5. Егер әуе кемесі пайдалану шектеулеріне сәйкес күтіп ұсталатын және пайдаланылатын болса, ұшуға жарамды деп есептеледі.

6. Конструкцияның салмағы (массасы/кг) _____

7. Орталықтандыру % _____
_____ ж. "___" берілді.

М.О.

Азаматтық авиация
саласындағы уәкілетті
органның басшысы
не ол уәкілеттік берген Адам

(қолы) Т.Ә.А.